



VAERS (Pekin Report Won Usun Nikinikin Opposun Eppet)

Met wewen VAERS?

VAERS ew pekin ioni report seni unusen fonufan won mwokutun usun nikinikin ekkewe opposun eppet. Ei pekin repot a onongonong won met aramas ra mefi me pwarata ren met mei fis ngenir. Napengeni ekkewe tokterin safei ra wisen wanong ekkewe repot, nge ese pwan nifinifin ion a tongeni wanong repot won internet ika fen amasowa ekkewe taropwen repot.

Mettoch mei fis mei tongeni epwe seni akakis mettoch (metek sopwun paaw, aro pwerik ikewe mei appos ie, me pwan ekkoch.) tori mettoch mei watte feiengawan usun ngaw ngeni met mei angei ika epwe fen arapakan mano ren. Repot ika mei wor met mei fis ika ese wor ika re ekieki pwe epwe seni ewe opposun eppet re angei.

Chon tumunu pekin semwen mei tichik ar repwe wanong repot won ekkoch mettoch mei fis onongonong seni met ewe kompenien ewe pisek mei maketiw ekkoch osukosukan ewe pisek, pwan usun met epwe fis ren mano me angawano an fefin popo.

Chon awora me uwau ewe opposun eppetin COVID-19 mei menei pwe repwe wanong repot won mettoch mei mwan, watten osukosuk me semwenin COVID-19 mwirin ewe oppos mine mei efisata an emon epwe nuwingino non pioing ika fen mano.

Pwata mei auchea ei VAERS?

Mei kan wor chekin opposun eppet me mwen epwe kopunguno, nge VAERS epwe pwarata ekkoch mettoch mei fis mei chok taitapeno me osukosuken ewe opposun eppet.

VAERS ese wesen fateno ika ew opposun eppet mei efisata ika ese efisata mettoch mei fis. Aramas ra angei ewe opposun eppet ir mei tongeni repwe pwan semwen ren ekkoch mettoch esapw seni ewe opposun eppet.

Ina mwo ika VAERS ese tongeni era ika ewe opposun eppet mei efisata osukosukan, nge epwe pwan ngeni ewe Center ren Disease Control me Prevention (CDC) me ewe Food me Drug Administration (FDA) auchean esinesin won pwan ekkoch sokkun osukosuk.

Ika mwo mei nikinikin pwe ewe opposun eppet epwe awora ika efisata ekkoch osukosuk, FDA me CDC repwe pwan tongeni chosani porousan.

VAERS ew chok [tichikin-safei](#) ren pekin repot epwe awenewen ngeni met osukosuk mei fis fan iten ewe wewe. Tumunun mei katonfich ren ekkewe opposun eppet nap seni ekkoch sokkun safei.

Ifa usun ai upwe kuna ewe VAERS?

Ion aramas mei mochen epwe wanong an repot fan iten osukosuk mei fis mwirin an angei ewe opposun eppet ika epwe tour ngeni ewe VAERS a tongeni katon ewe website: <https://vaers.hhs.gov/>

Toureochun taropwe: Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokori ewe Center ren Porousen Health won 1-971-673-2411, 711 TTY ika COVID19.LanguageAccess@dhs.oha.state.or.us.